

Zwè 95

EXERCITATIONUM ETHICARUM
SEPTIMA

DE VIRTUTVM DIVISIONE
GENERALI & FORTITUDINE.

Quam

Benedicente DEO Opt. Maximo

Permissu Amplissimi Collegii Philosophici

Sub Præsidio

M. JOHANNIS Reinbothe

Altenburgò - Misnici.

Placide disquisitioni

ad diem Aprilis horis & loco consuetis


subjicit

Respondens

LUCAS BACMEISTER Lunæburgensis.

RostechI, Literis hæredum Richelianorum.

Anno clc lxxvi.



Cum Deo!

I.

DE numero Virtutum maximè inter se discrepant Politici. Notum enim est, quid eruditionis Græcæ δεινότητα Plutarchus in l. de Virtute Morali hac in re præstiterit, & quam diligenter veterum Politicorum opiniones congesserit, ut oleum & operam planè perdere videar, si in iis diu immorarer.

2. Chrysippum enim innumerabiles virtutes, vel, uti Plato loquitur, examen virtutum introduxisse, & sibi concedendas postulasse ex l. c. nemini non constat. ἀπὸ ἐοθλίων sc. ἐοθλοτήτων: ἀχάριεν χάριενότητων: ἀμείζων μεγαλοτήτων, cui sententiæ è diametro illa opponitur, quam Menedemo Erethriensi, & Aristoni Chio, Zenoni Cistico & Chrysippo Plutarchus ibid. tribuit, qui cum Stoicis unam posuerunt καὶ τὸ πλεονέχον καὶ πᾶς ἀναφορὰς τὸ δεῖλόν ὡς μίαν ἐστί, καὶ χωρὶς πολλοῖς ἐνόμασι, sustulerunt. Quo etiam referendus est Socrates & Apollophanes, qui Arist. lib. 6. Eth. c. ult. §. 7. & Laërtio l. 7. de vitii Philosophorum c. 1. authoribus μίαν τὴν δεῖλὴν τὴν φρόνησιν agnoverunt.

3. Magirus sententiam hanc tolerandam arbitratur in tantum, si non in totum ratione scilicet prudentiæ, quam Pythagoræi propter arctissimum vinculum virtutum matrem appellarunt. Verum licet prudentia dux sit & directrix virtutum moralium, ex principii tamen dirigentis unitate non statim illorum, quæ diriguntur, unitas propugnatur, non aliter, ac unus princeps sæpè diversissimos hominum status regere potest, ut tamen Milites vel Opifices, Medici nequaquam unus sed specie distincti homines sint, qui alias atq; alias disciplinas, agnoscunt.

4. Nam morales virtutes objecto specie distincto inter se

distingui statim videbimus. Ubi autem objecta specie diversa inter se pugnant, unitas habituum ejusdem rationis esse nequit, uti in lib. de anima Interpp. prolixè demonstrant. Hinc etiam Prudentiam ex censu Moraliū virtutum rejicere non erit difficile, quod etiam ostenderemus, nisi labore hoc nos sublevasset *Piccolom. grad. 4. c. 22.* ex quo illa, quæ omnibus obvia sunt, describere nolumus.

5. *Chrysippus* idèò autem merito & nobis & *Plutarcho* male audit, quod multis novis & absurdis vocabulis Politicam impleverit, quæ tamen quo ad rem ipsam nihil novi adducunt. Nam vel illa, quæ à *Chrysippo* enumerantur, virtutum nomine non veniunt, vel sub iis, quas *Aristoteles* posuit, optimè contineri possunt.

6. Scholastici nonnulli in quaternario virtutum numero sibi placent, quent quidam Patrum (inter alios *Ambrosius* l. 1. Off. c. 24. & l. 5. in *Lucam* c. 6. §. *Beati pauperes*) etiam sibi elegerunt. Imò in *Platone* passim, imprimis l. 1. de LL. hujus divisionis vestigia apparent, quemadmodum etiam illa delectatur *Cicero* l. 2. de *Inventione*, *Plotinus* in l. de *Virt.* c. 3. *Porphyr.* in l. de *occasionalibus intelligendis*, *Marsilius Ficinus* super convivium *Plat.* c. 1. imò & *Aristoteles* ex aliorum tamen mente affert l. 1. *Rhet.* c. 5.

7. *Thomas* ita l. 2. q. 61. a. 5. hac de re philosophari videtur, ut quadruplices (quam tamen divisionem *Cajetanus* & ex eo *Greg. de Valentia* Tom. 2. Disp. 5. q. 4. p. 3. non virtutum diversarum sed diversarum virtutum rationum esse, quæ ipsæ possunt convenire virtuti eadem ac solum ratione & tanquam statu perfectiori vel imperfectiori differre, aut naturā virtutes facit, Politicas sc. seu Civiles, Purgatorias, animi purgati & Exemplares. Necessum enim est, inquit *Thomas*, ut anima ad exemplar aliquod in virtutum habitu comparando respiciat. Tale exemplar est *DEUS*, ad quem quando respicimus, bene vivimus Exemplar ita humana virtutis in *DEO* præexistat necessum est, sicut in eo omnium rerum rationes præexistunt. Sic itaq; virtus potest considerari, vel prout exemplariter est in *DEO*, & sic dicuntur virtutes exemplares, si ipsa divina mens dicitur in *DEO* prudentia; Temperantia, conversio divine intentionis ad seipsam, sicut in nobis Temperantia dicitur pro hoc, quod concupiscibilis conformatur rationi.

rationi. Fortitudo DEI ejus immutabilitas. Justitia observatio legi æternæ in suis operibus: vel prout est in homine, aut prout se habet ad civilem societatem, & sic dicuntur virtutes politicae, aut prout se habet ad divina, & sic tribuuntur eidem virtutes inter politicas & exemplares mediae, quæ pro motu & termini diversitate duplices sunt, quædam enim sunt transcendentium & in divinam simili uidentem tendentiam, & hæ vocantur purgatorie s. purgatrices, quod animum a vitiosis affectibus & cupiditatibus liberent, sic prudentia, omnia mundana divinorum contemplatione despicit, omnemq; anime cogitationem in divina solum dirigit. Temperantia relinquit in quantum natura ad corporis conservationem requirit. Fortitudini est, non timere mortem s. recessum anime a corpore & accessum ad superna: quædam vero sunt virtutes jam assequendum divinam similitudinem, quæ vocantur animi expurgati, quod prudentia sola divina intueatur, Temperantia terrenas cupiditates nesciat, Fortitudo passiones ignoret, Justitia cum divina mente perpetuo fœdere jungatur. Hæc virtutes inter, politica in homines, quatenus sunt animalia politica; Purgatorie quatenus sunt pii & ad cœlestem beatitudinem tendunt; Animi purgati in Beatos post hanc vitam. Exemplares in solum DEUM cadunt, unde Macrobius 1. de Somnio Scipionis c. 10. ait, Politica sive civiles virtutes passiones molliunt, secunda (expurgatorie) auferunt, tertie (i.e. animi purgati) obliuiscuntur, in quartâ (i.e. exemplaribus) nefas est nominari.

8. Verum I. DEO in sententiâ Peripateticâ virtutes Morales non attribuuntur, uti ipse Stagira observavit l. 10 Eth. c. 7. quem locum eruditissimè explicat Piccartus in 1. sag. f. 2. habetq; nonnihil hæc de re Jacobus Martini Diss. Philosoph. Decad. 3. Diss. 3. q. 9. 2. Posito etiam, quod divisio hæc non sit generis in species, sed ejusdem rei in diversos status, uti alias Cajetanus & Gregor. de Valentia loquuntur, adhuc tamen Thomas nondum potest excusari. Nunquam enim status tollit rem ipsam, cujus est status. Atqui virtutes purgati animi prorsus indolem & naturam virtutum respuunt. Ex Temperante enim fit *arai* *ἄραιο*, ex forti audax & sic consequenter. Inde 3. si morales tantum numerare voluit (alias non omisisse sapientiam, quæ virtutis Intellectus nomine itidem insignienda) & credun-

dantiā (Prudentia enim virtutibus intellectualibus accensenda est *l. 6. Eth. c. 3.* quæ huius loci non sunt) & defectu (Duplices enim morales sunt, αὐτὴν πρῶται & αὐτὴν πύλαις τῶν ἡγεμονικῶν notante *Laertio l. c.* cardinales ac principes tantum à Thomá positæ sunt, non autem singulæ) in Politicarum virtutum enumeratione peccat.

9. Alia Aristotelis mens est, quam & nos meritò tanquam ex tripode dictam veneramus, quā moralium virtutum undecim exponuntur ἀνδρεία, σωφροσύνη, ἐλευθεριότης, μεγαλοπρέπεια, μεγαλοψυχία, φιλομυία, τρασύτης, ἀλήθεια, & τραπέλεια, φιλία, δικαιοσύνη.

10. Virtutes igitur morales h. l. consideramus. Alias enim præter acquisitas etiam Physicis & naturalibus nomen virtutis *lib. 6. Eth. c. ult.* tribuit. Et *l. 1. Eth. c. ult. l. 2. c. 1.* etiam Dianœticos habitus virtutum appellatione quam vis secundum quid *l. 2. Eth. c. 2* dignatur. Hinc etiam in Moralibus & Ethicis nonnihil discriminis agnoscit. Nam *l. 2. Eth. c. 7.* virtutes distinguit in eas, quæ moderantur affectus, & eas quæ moderantur actiones, ut & in imperfectas & inchoatas *l. 7. Eth.* In universalem & Particularem *lib. 5. Eth. c. 2.* In divinam seu heroicam & humanam *l. 7. Eth. in pr.*

11. Numeri undenarii non unam Interpretes assignant rationem. Alii, ut *Heilandus p. 31.* dicunt alias versari circa hominis corpus, alias circa bona & mala externa, alias circa convictum & conversationem, alias deniq; circa contractus & commercia. *Magiro* placet distinctus rem gerere hoc modo, Duo sunt, inquit, quibus virtutes à se distinguuntur 1. Affectus, quales sunt metus & fiducia, voluptas & dolor, Honoris cupiditas, deniq; ira. 2. Actiones, quales sunt pecuniarum debita tractatio, commerciorum & contractuum iusta communicatio, & deniq; legitima conversatio. Hanc expositionem sequitur etiam *Giphanius f. 141.* qui, quod apud Scholiasten Græcum *l. 4. Eth. extet.* affirmat.

12. *Burgersdicius in c. 13. Epit. Moralū Phil.* ex objecto dividit, quod ipsi vel internum vel externū est. Internū sunt affectus; Externum vero personæ erga quas & res, in quibus virtus exercetur. Ex objecto externo virtus dividitur in pietatem (virtutem enim quandam DEUM

ritē

rite religioſeꝝ, colendi ipſi nullum eſt dubium) & Probitatem. Hæc omnes complectitur virtutes, quibus hominū officia, vel erga ſe ipſum, vel erga alios homines continentur atq; gubernantur. Virtus igitur vel nos dirigit in ordine ad nos ipſos vel in ordine ad alios. Si priori modo, vel verſatur circa affectus, vel circa converſationes. Affectus Virtute dirigendi præcipue tres ſunt, Metus, Cupiditas, & Ira. Circa metum verſatur fortitudo: Cupiditas vel in Voluptatibus vel in divitiis vel in honore cernitur. Circa cupiditatem voluptatum verſatur Temperantia. Circa divitias & ſumptus mediocres Liberalitas; circa Magnos Magnificencia, Circa honores magnos Magnanimitas, circa mediocres Modestia, circa iram Manſuetudo. In converſatione vel veritas ſpectatur vel jucunditas. Si veritas attenditur oritur Veracitas. Si Jucunditas in ſeriis ad totam vitam Comitatus, ſi in jocis vere Liberanitas. In ordine ad alios non dirigit Juſtitia, cujus dua ſpecies ab Ariſtotele ponuntur. Commutativa ſcilicet & Diſtributiva, quarum ſpecierum explicatio l. 5. Eth. occurrit.

13. Noſtra ſententia eſt, firmam demonſtrationem hujus rei haſtenus à nullo Authore excogitatam fuiſſe. Nam in nullā affignata diſiſione expoſitum eſt fundamentum firmum alicujus collectionis neceſſariæ ſed omnes ſunt arbitrariæ & ex rei natura minimè deductæ. Fortitudo enim (ut de prima diſiſione in ſpecie aliquid notem) verſari circa mala externa extra controverſiam eſt; cur autē non poterit etiam corporis rationem attendere. Certè neq; Temperantia immediate corpus conſervat, ſed affectus moderatur, qui ſi ex rectā ratione moderari debent, non poſſunt non etiam corpori proſpicere: Ita etiam Fortitudo corpus non negligit, licet enim mortem timeat, tamen nihil intermittit, quo corpus ab illatis injuriis defendatur.

14. Sic etiam in altera Magiri affectus non poſſe excludi ab actionibus, ipſe Giphanius obſervavit, ut ipſius verbis reſpondere & ipſi & Magiro poſſimus. Hæc partiſio ita eſt accipienda, ait f. 142. ut eas virtutes, quas in actionibus cerni diximus, etiam perturbationibus nonnihil moderandis attribuiamus interdum v. g. Juſtitia temperat ad eorum nimiumq; habendi ſtadium. Ita igitur accipienda eſt hæc altera

altera diviso: ut magis perspicue & aperte virtutes ejus partim in fa-
cto cernantur, obscurum in perturbacionibus. Atqui quis exinde non
accidentale discrimen animadvertit.

15. Plura in *Burgensidicio* animadversione digna sunt. 1. enim
illas virtutes, quæ in primâ divisione ex objecto interno & affectibus
distinxerat in secundâ ad personas & res refert. 2. Confunduntur
res & personæ in objecto externo. 3. quæro, an pietas & probi-
tas referantur ad res, an ad personas. Si prius, Ergo Homiliticæ
virtutes non sunt virtutes. Si posterius, Ergo Justitia non est vir-
tus. 4. Pietas hujus loci non est. Uti enim rectè observat *Horne-
m c. 2. ult. f. 30.* aut per pietatem intelligitur amor erga parentes
& ita non est virtus, sed *erga* & affectus naturalis; aut cultus no-
minis DEI. Atqui colere ritè DEUM Ethica non novit, neq; viribus
humanis peragitur, multò minus, quod nos addimus & præcipuum
est, ad Politicas virtutes pertinet. Omnes enim ad actionem Mora-
lem & Rempublicam referendæ sunt. ut beneficio harum Respu-
blica moderetur & constituatur, & constituta conservetur. Atqui
cultus DEI non est actio Civilis, uti de se constat. 5. Anne virtutes
Homiliticæ non versantur circa alios? cur ergo soli Justitiæ has tri-
buit partes.

16. Nos tam diu Aristoteli adhærebimus. donec quis vel nu-
merum earum superfluum vel nimis strictum ostendet, quod ad Ca-
lendas Græcas fieri posse nobis penitus hætenus persuasimus.
Iis etiam, qui Beneficentiam & Misericordiam adducunt, non diffi-
cile est respondere. Sub Liberalitate enim ambæ continentur, si
modo Misericordiam non pro affectu & pro nudâ animi commo-
tione, sed pro habitu, quo misericordiam exercemus, sumeris:
Pauperi enim sæpè dare, & miseriam ejus sublevare, liberalitas est.

17. A FORTITUDINE exorditur Aristoteles. Quæ an Po-
liticæ considerationis sit, posset alicui videri dubium. Fortitudo
enim in bello experientiâ & usu acquiritur: de illa igitur etiam ju-
dicabit, qui, quod bellum non sit bellum, id est dulce, expertus fu-
it, & aliquoties aciei & præliis interfuit, in quorum numero cum
pauci hodiè Philosophorum inveniantur, verendum, ne ipsis eveniat,
quod

quod olim Phormioris Peripatetico celeberrimo. Hic cum aliquot
horas coram Hannibale de officio Imperatoris deq; omni re copio-
sissimè differendo consensisset, interrogatus Hannibal, quid de eo
sentiret: *Multos se deliros senes vidisse, respondit, sed qui magis
quam Phormio deliraret, se vidisse neminem.*

18. Omnino tamen Philosophorum est, de Fortitudine di-
spicere. His enim incumbit virtutum genuinam indolem expo-
nere, & quid dissent æra lupinis (sæpè ut ait Juvenalis:

fallit enim vitium specie virtutis & umbra
vel ut *Gregorius dist. 41.* vitia hoc ingerunt & virtutes esse menti-
untur) annotare. Hujus idem est Reipubl. prospicere ejusq; cu-
ram suscipere. Hoste autem Rempublicam affligente, quid superest,
nisi fortitudine bellica sibi consulere, hostemq; ab imperii fini-
bus arcere.

19. Distinguendum autem probè, est inter ipsam fortitudi-
nem bellicam, & ea, quæ hanc circumstant. Politici officium est
objectum fortitudinis, & in quibus verè consistat fortitudo, ritè
constituere, & in id incumbere, ut verà fortitudine, abjecta audaciâ,
assuescant homines, qui incipiunt *ὄνομασι περιτρίαν τὴν μοχθη-
ρίαν*, uti *Aristophanes*, sive uti *Æschinus* loquitur *καλλίστοις ὀνό-
μασιν αἰχμῶν πρᾶξις γεγενῆσθαι*: Sæpè enim fit, ut quod olim
Caro apud *Plutarchum* conquerebatur: Jam pridem vera rerum vo-
cabula omisimus, bona aliena largiri liberalitas, malarum rerum au-
dacia fortitudo vocatur, eo *Respublica in extremo sita est*, Quod si Po-
liticus præter hæc etiam de acie, præliorum loco, tempore, com-
moditatibus agere voluerit, quod artis militaris est, facile sine suo
exciderit.

20. Imprimis etiam attendat Politicus, cum quibus ipsi ne-
gotium est. Apud Juniores commodè de Fortitudine differere
ut pulchritudine, utilitate, gloriâ, quæ fortem virum sequi solet,
alliciat, efficiatq; ut turpi otio abstineat, animumq; in patria defen-
dendâ firmet. In consessu exercitatorum militum verò si cui Po-
liticorum loqui integrum fuerit, neq; hoc ipsi vitio verti poterit, si

de causa & fine belli cum illis egerit. Ita enim & exercitatissimos monebit, ne prædæ, divitiarum, laudis & vanæ gloriæ causâ bellum suscipiatur, sed solæ honestatis & quæ ab hac non excluditur, salutis publicæ ergo. Quod si autem quis de acie instituenda deq; aliis officiis militaribus verba fecerit, stolidè sine dubio esset & Hannibalem (i. e. virum satis & discriminibus Martis per omnem vitam agitarum) docebit:

21. Primo loco Fortitudinem omnes cum Aristotele ponunt, pauci autem hujus rei causam indignant. Quidam quidem hoc propter ipsius fortitudinis præstantiam factum putant. Quemadmodum enim in magnarum ædium vestibulis pulcherrimæ columnæ ac statuæ collocari solent: Ita in ipso virtutum ingressu omnium virtutum moralium nobilissimam ac præstantissimam collocatam indicant. Ad quos Sigismundum Evenium disp. s. theor. l. 2b. 4. refer cum aliis, qui ex utilitate probant. Splendor enim inquit Evenius, & usus in Republ. faciliè primarius est. Salutatur quidem Justitia virtutum cæterarum Regina; Temperantia custodia Prudentiæ saluberrima; Liberalitas DEO similima; Fortitudo autem Rempublicam tuetur & conservat, quæ nullum vel fatum vel fortunam in boni publici graviam detractat, etiam deteriore ut ait Scalig. l. de re Poet. c. 19. Accedit objectum ejus, pergit maximè arduum, quod est mors bellica τὸ φοβερὸν φοβερῶτατον. Cum ergo virtus sit circa maximè ardua τῶν χαλεπώνων ἀφ' ἧ πυχῇ γίνεσθαι καὶ δεσπῆ 2. Eth. 2. primo hanc habendam loco nemo dubitabit.

22. Hanc non vix accesserim. Non nego quidem Xenophontem l. 3. παιδείᾳ fortitudinem μεγίστην δεξιᾶς & Pluarch. in vita Cariolim. μάλιπτον τὴν δεξιᾶς, quam dicit: ὅπως μὲν ἐν ἐντοῖς τὸ πλεονέκτες ἢ ῥώμην καλεῖται τὴν δεξιᾶς πᾶσι τοῖς πολεμικοῖς, καὶ πραξιολογῶν; ἐκείθεν περὶ αἵματι καὶ μαρτυρεῖ τὸ πλεονέκτες τὴν αὐτῶν ἡνὶ τῶν ἀνδρῶν ὁνόματι περὶ τοῦδε τοῦδε, ut & Ciceronem auctoritatem ceteris excellentem l. 2. Tusc. vocare: sed hoc ab Aristotele alienum est. Nam l. 17. probl. sect. probl. 5. Fortitudi-

itudinem præcipuam esse negat. Unde etiam præclare *Agessilaus* teste *Plutarcho* interrogatus, Justitiane fortitudini, an *Justitia* & fortitudo præstaret? *Si omnes* inquit, *homines justis essent, nihil opus foret fortitudine: at si omnes fortes, tum vel maxime justitia necessaria esset.* Quod *l. 3. Top. c. 2* expressis expoluit verbis: Quæ seipsis contenta sunt, aut meliora sunt, quam quæ egent aliis, ut in *Justitia* & *Fortitudine* cernere licet. Nam si justis essent omnes, nihil loci esset fortitudini: at si fortes omnes essent, justitiam requirerent. Ude *l. 8. Eth. c. 1.* inquit: *Φιδων ἐν τῷ ἐδὲ δὲ δὲ δικαιοσύνης.* Justitia itaq; primas deferunt *Connimbricenses Diss. Ethic. 9. q. 1. art. 1.*

23. Alterum faciliè largior, objectum scil. fortitudinis esse maximè arduum, sed an ex eo prioritas quædam, de qua nemo dubitare possit, elicienda sit, ego valdè dubito, ut existimem cum *eruditissimo Mureto* h. l. quod licet *Temperantia* & *Fortitudo* reliquis virtutibus faciliores sint, tamen inter *temperantiam* & *fortitudinem* ordinem arbitrarium intercedere. *Aristotelem* autem communi hominum judicio hac in parte aliquid tribuisse, qui plurimum fortitudini deferunt, penitus judicio. Qua de re prolixè & eruditè agit *M. Antonius Muretus* f. 225.

24. Hactenus de Fortitudinis generalibus; Est quod ad interiora nos conferamus, & in quo ejus natura consistat, subjungamus. Hoc ut fiat, objectum ejus, eâ, quâ par est, diligentiam considerandum est. Ex objecto enim omnia petenda sunt, quæ in Virtutum speciali expositione occurrunt, quæ si cum generalibus supra expositis quis jungat, exactè de unâquâq; virtute in specie judicare poterit.

25. Est autem Objectum Fortitudinis duplex: Internum alterum, alterum Externum. Internum est metus & fiducia, quamvis metus prærogativam habeat. Nam quia metus versatur circa mala ex parte tamen nostri, Fiducia circa bona, idè etiam difficilius est, metum ad mediocritatem redigere. Fortitudini igitur magis consentaneum est res molestas ferre, quam à secundis abstinere, vid. *l. 3. Eth. c. 9. & l. Magn. Mor. c. 21.*

26. Objectum Externum sunt *Φόβος καὶ παρρησία* *l. 3.*

Eth. c. 9. & l. 3. *Eudem.* c. 1. magis tamen *Φοβερά* l. c. ut hæc rectè
Kerkermannus l. 2. *Syst. Eth.* c. 4. primum obiectum dicat, qui ta-
men in eo excusari nequit, quod *ἡρόαλέα* definiat quod sint ea,
quæ requirunt animi confidentiam, quasi sc: ipsa *Φοβερά* etiam a-
nimum confidentem non requirerent.

27. Cæterum Aristoteles in *Nicomachicis* terribilia dicit
esse ea, quæ sunt mala, quoniam metus definitur ab omnibus, im-
primis apud *Platonem* in *Protagora* & *Lachete* *μεσοδοχία* & *χαρῆς*
l. c. c. 6. § 3. affectus qui nascitur ex opinione & expectatione
mali imminentis. Quæ definitione etiam usi Stoici teste *Laertio* in
Zenone & *Cic.* 4. *Tusc.* extrema. Si spes, inquit, est expectatio
boni, malè expectationem necesse est, esse metum. Quicquid ergo
metum infert, id malum est, vel saltem malum videtur l. 1. *Rhet.*
ad *Theost.* c. 5. Notanter dixi in *Nicomachicis*, Aliter enim in *Eu-*
demiis *Φοβερά* accipit Philosophus. Nam l. 3. c. 1. illa terribilia
dicuntur, quæ habent vim inferendi dolorem corruptivum, quo-
modo ignominia paupertas l. 3 *Eth. Nicom.* c. 6. terribilia dicuntur,
quæ tamen naturam non corrumpunt.

28. Sunt autem hæc terribilia duplicia: Quædam enim de-
bent metui ab omnibus & qui ea non metuit imprudens est v. g.
abnegare religionem, prodere patriam &c. Quædam possunt ci-
tra reprehensionem metui vel non metui, v. g. invidia, paupertas,
exilium &c. Metui debent, si nostra culpa obveniant nobis, ut si
propter culpam quis in carcerem conjiceretur, aut propter prodiga-
litatem ad paupertatem redigeretur. Non debent metui si præter
meritum nostrum accedant à causâ extrinsecâ.

29. Hinc c. 7. §. 1. Terribile quod pro obiecto Fortitudi-
nis agnoscendum est vult non debere esse supra hominem, qui men-
tem habet, qui dem ibid: dicit de *ἡρόαλέοις*. Nam fortè, subjun-
git, terrore vacat ut homo. At metuit quidem talia, sed ut oportet &
ut ratio distingat. Hinc Fulmina & terræ motus meritò vir prudens
metuit: supra enim hominis virtutem & constantiam positi sunt.

30. Non ergo unum & idem est *ἀφοβία* & *ἀνδρῆα*. Unde
Et *Pla-*

& Plato in *Lachete* ἀφ᾽ ἑαυτοῦ καὶ τῶν ἀνδρῶν ἐκ τῶν τούτων ἐστίν, ἀλλὰ τὸ
μᾶλλον φρονήσεως. Idem Plutarchus in *Agide* probat, quando dicit:
ἐστὶν ἡ Λακεδαιμονίῳ οὐ φρόνως μόνον, ἀλλὰ καὶ γέλῳ; καὶ τῶν
τῶν ἄλλων παθίματων ἱερά. Τιμῶσι ἡ τὸ φρόνως ἐστὶν ὥστε, ὅς
δοτερέν τι δαίμονας ἡ γὰρ οἱ βλάπτειν, ἀλλὰ τῶν πολιέων
μάλιστα (ὡς ἐκεῖθεν φόβῳ νομίζοντες). Et paulò post: καὶ τῶν
ἀνδρῶν ἡ μοι δοκῶσιν, ὅτι ἀφροσύνη ἀλλὰ φόβον φοροῦν, καὶ
δέ τὸ ἀδοξίας ἐκ παλαιῶν νομίζουσιν, ἡ δὲ δεινότης πρὸς τῶν νόμων
παράλειπεται πρὸς τῶν πολιτῶν καὶ τὸ παθεῖν ἡκιστα δεδίασιν
οἱ μάλιστα φόβητοι τὸ κακῶς ἀκῶσαι. Hanc tamen veram for-
titudinem esse Aristoteles Plutarcho non concederet, uti rectè ob-
servat Muretus.

31. Malorum autem terribilium maximum & terribilissi-
mum est mors πέρους ὅτι καὶ ὁ δὲ ἐν τῷ πνεύμῳ δοκεῖ, ὅτι ἀγαθὸν
ὅτι καὶ ἐν αἰσθητοῖς. l. 3. c. 6. f. 3. in fine. Terminus enim est & nihil
amplius mortuo videtur esse neq. bonum neq. malum. Omnia sci-
licet, vitæ commoda & hanc ipsam lucem nobis tollit, inquit Ci-
cero l. 2. *Tuscul.* & l. 1. *Tuscul.* dicit, mortuos omnibus vitæ com-
modis carere. Unde hoc loco dicit Philosophus, eam ob rem et-
iam viros praestantissimos mortem exhortescere. Nam ut ait
Theocritus ἐλπίδες ἐν ζωῇσιν ἀνέλπιστοι ἡ γενέσθαι.

32. Quibus non obstat, i. quod Mors non videatur φόβου
ἔσθαι sed operatissimum periculum ærumnarum vitæ potius mi-
serorum & effugium miseriarum, uti ait Antiphanes apud Herodotum
cui adscriptatur Cic. l. 5. *Tusc.* Imprimis autem mors Christiano-
rum pretiosa est. Pretiosa planè, exponente Bernhardus in transl.
Malach. tanquam finis laborum, tanquam victoriæ conservatio,
tanquam viæ janua, & perfectæ securitatis ingressio. 2. Quod
servitus, Carcer, ex illa sint longè terribiliora morte. Quis namq.
non mallet semel mori, quam aliquo tempore captivitate tormentis
Turcicæ Tyrannidis exponi.

33. Nam i. dubium est, an servitus sit minus tolerabilis mor-
te. Genè servitutem ex beneficio Impera orum introductam, ut

quos occidere poterant in bello, servarent, notum est. Ut servos à servando dictos ipse annoret Imperator & servi Iulit. de Jure personarum servi ex eo appellati sunt, ac, quod Imperatores captivos occiderent (sub corona sc. uti habet Geil. 1. 7 c. 4. Plaut. in Pert. & I. Pup. 239. § 1. d. V. S.) ac per hos servare nec occidere solent. Qui etiam mancipia dicti sunt, eoq; ab hostibus manu capiuntur, vid. Varro l. 5. de Ling. lat. & Macrobius l. 3. Satyr. c. 7. Possent itaq; magis mortem, quam servitutem expetere, si hæc ipsa non videretur tolerabilior.

34. Potest sc. unum altero esse majus simpliciter, licet sit minus eo ipso secundū quid, quomodo homo simpliciter nobilior est illic quæ tamen ipsum vivacitate superat; ita & mors simpliciter est res terribilissima, quatenus omnem a homini sine ulla spe adimit, servitus autem, exilia sunt tolerabiliora ratione durationis: diu enim hominem cruciant, quæ tamen non destruunt fortem animū, sed potius augent aq; firmant. Unde etiam multi, etiam si variis infortunii rebus exponantur, tamen quando mortem ipsis accelerandam animadvertunt, pejora quoq; toleranda magis, quam diem decretorium expetere, sibi ex usu fore putant. Notum est, post senem Æsopicum animam ob onus super impositum exhalantem penè, & tamen mori nolentem, vocum Maccenatū: Debilem facito manu,

Debilem pede coxat

Tuber astrue giberum:

Lubricas quate dentes

Vita dum super est, benè est.

Hanc mihi vel auctam

Si das, sustineo crucem.

35. Piis mortem non tam vitæ exodium quam exordium esse faciles largimur, sed cum virum fortem ratione civilium actionum tantum consideremus, etiam hoc dubium nullum est, ut thesin Arist. destruat, quamvis & adhuc diversitas quædam, quæ facile oppositionem tollere potest, occurrat. Mortem igitur & formidabilem & optatissimam diverso respectu dicere nihil verat. Formidabilis enim est, qua ultima linea rerum, destruitq; omnia bona tollitq; ipsam lucem, uti supra Cicero dicebat; Optabilis tamen pro ut est destructio omnium malorum.

36. Cum

36. Cum autem non sit unum mortis genus, ulterius cum præceptore exponendum quenam mors hoc loco intelligatur. Nam propter mortem, quam quis in maris tempestate vel morbo correptus subire cogitur, haud aliquem debere fortem saluari, perspicuum est: Inò exemplo *Æneæ l. 1. Æneid.* Ulyssis apud *Homerum* in *Odys.* E. & *Ajaci* apud *Sophoclem* in *Ajace* pater, qui ægerrimè hanc mortem tulerunt, gravissimèq; conquesti sunt se in gloriam mortem, nempe in mari non ocio gloriosam in prælio obire debere. unde ἀπενώμασι τὴν ζωτῆσαν desperare de salute c. 6. §. 4. καὶ τῶν θανάτου πικρὸν δυσχεραίνουσιν, multo minus ex supplicio, sed ex bello, quatenus fortis mortem pro religionis, libertatis, patriæ &c. defensione appetit. 3 Eth. c. 6. Nam pro bona causa mori, honesta est turpitudine, quæ vitam etiam turpem, si credendum *Ciceroni* exornat. Inde *Isocrates* it: *Evagora.* ἀπὸ τῆς τῆς ἀποθανεῖν δ' κλέους αἰρήσασθαι δεῖ. Et *Virgilio* nihil magis frequens quam l. 4. *Georg.* & l. 2. *Æneid.*

Pulchrumq; mori succurrit in armis.

Et l. 9. & 10. *Æneid.*

Pulchramq; petunt per vulnera mortem.

Et *Horat.*

Dulce & decorum est pro patriâ mori.

Nec non *Euripid.*

Τρωες ὃ περὶ τὸν μὲν τὸ καλλίστον κλέον

ὑπὲρ πέρας ἔθνησιν.

37. Itaq; omnis veterum Rhetorum eloquentia consumpta est in laudandis trecentis illis Lacedæmonijs, qui Leonidâ duce cum sese in *Thormopylarum* angustiis exercitui *Xerxis* opponere ausi essent, occubuerunt pro patriâ, primiq; *Xerxem*, non multitudinem, sed virtutem in militibus spectari debere, docuerunt, quorum imperatur quanto opere mortem ipse pro patriâ appetendam potius, quam refugiendam duceret, ut hæc ipsius vox deciatat: *Perge* animo forti *Lacedæmonii*, hodie apud inferos fortasse cenabimus & ex eo *Phœcenses* & alios dimittens dixit: Ego cum *Spartani* mei hic manebo quia haud ex dignitate facturi essemus, si stationem nostram defereremus; decet namq; nos, ut *Græcie* Principes præstantius aliquid & difficilius aliquid cæteris aggressos fortiter occumbere. Inde quod à *Frontino* additur, cum à multis terreretur, ne cum *Persis* nego-

tiunt

rium ei esset, fore enim ut illi sagittarum multitudine nobem face-
rent: Belle, inquit, & probe: Si enim in umbra pugnabimus, neq; sol
assus nobis molestus sit. Huc refer etiam Epaminondam, Codrum,
tres Decios, duos Scipiones, L. Aemilium Paulum M. Claudium
Marcellum ac alios innumerabiles, quorum gloria usdem, quibus
solis cursus, regionibus continetur. Inde etiam Imperator: Per
gloriam, inquit, vivant, qui in acie pro patria occubuerunt. §. 1. In-
stitu. de Excusat. Tut. & l. de bello amissi ff. eod. titulo

38. Unicum priusquam hinc abeamus, notandum est, Ari-
stotelem non illum fortem dicere, qui mortem in decem annos aut
periculum aliquod longè positum non metuat. Hunc enim po-
tius extra periculum quam in periculo esse, quilibet faciliè animad-
vertit; sed praesentem. Inde in Græco textu non sine causa adjecit
ὃ ὅσα θάνατον ἐπεφέρει ὑπόγεια ὄντα, quæcunq; mortem afferuat,
cum ὑπόγεια sunt. Ubi quaestio exturgit, quomodo τὰ ὑπόγεια
debeant reddi, an repentina, an propinqua. Utramq; enim expo-
sitionem vocula hæc admittit. Posteriores enim l. 2. Oecon., ubi
αὐτὸ ὑπόγεια ἢ ἔσσης πύτης ἢ ἐογῆς cum dies festus instaret, &
Isocrates in Antidosis inquit, ἡδὴ ἢ ὑπόγεια μοι πῶ τὲ βίη πλοῦτης
ἔσσης jam vitæ exitu propinquo & instante. Posteriores ve. o. l. i.
Rhet. Arist. αἰμὴ νομῆσθαι τὴ πολλὰ χεῖρὶς οὐκ ἐπαρῆσαν γίνοιτο:
αἱ ἢ κρείσσει ἐξ ὑπογίης. Hinc Suidas reddit ἀπεσκέπης
quam expositionem neq; tenuit Isocrates in Panegyrico: περὶ πα-
σίς ὡς ἐξ ὑπογίης γέγωνεν αὐτοῖς ἡ παρυσία.

39. Posteriori in hæc Henli paraphrastes l. 3. c. 7. quando
ita παρυσία textum, quem jam præ manibus habemus: ὅτι
λέγοιτο ἂν αὐδρεῖς ἢ τὸν ὁ πῶ τὴ κλά θάνατον μὴ αὐτὸν ἀδεῖς
ἢ ὅσα θάνατον ἐπεφέρει αἰφνιδίως οἷα αἰ τὴ ἐν τῷ πολέμῳ, ὃ
τὸ αἰφνιδίως ἐπερχόμενα δαῖνα κατὰ τῶν ἀπὸ δαῖν ἐναργὴ παρὲ-
χεται τὸ πῶς, ἐξ ἡν ἀδελφὸς ἐληλα κέναι. De posteriori posset
quis existimare, Aristotelem locutum. In repentinis enim vide-
tur major ratio fortitudinis occurrere, unde prævisitela minus no-
cere in communi proverbio dicuntur, difficiliumque videtur ma-
jorem

ijorem metum & minorem fiduciam, quæ in subitanæis reperitur, moderare. Prævidens enim pericula appetitum commodius domare, rationiq; subicere; sed & melius media externa, quæ ad exornandam fortitudinem requiruntur, assumere potest, quæ subito agentibus denegantur. Ad quod accedit, quod brevius temporis spacium in subitanæis ad agendum concessum sit, quod arguit præstantiorem indolem actionis. Illa enim præstantior est, quæ cæteris paribus breviori temporis spacio perficitur. Demonstrat enim præstantiam agentis. Agens namq; debilius pro edenda operatione perfecta longiorem temporis moram requirit. Cujus rei rationem rectè assignat *Dorbellus in Comm.* à qua non multum recedit *Horn. l. 3. c. 7. n. 4. in fine*, quod repentinæ actiones necessario ex habitu sint; prævisæ vero ex solo consilio & ratione proficiuntur, quam tamen nos vix admittere possumus. Nam I. de eo non est questio, quoniam non ex habitu & recta ratione agit. Ille enim minime fortis est. II. falsum est, quod repentinæ actiones semper ex habitu fiant, sæpè enim à desperato animo proficiuntur. Incidens enim, quis præter opinionem subito in viræ periculum nullamq; evadendi viam videns, sæpè leonino animo pugnat, qui si periculum prævidisset, pedibus potius sibi consulisset.

40. Nam extra oleas fortè censebimur, si verbo caussam, quod tela prævisa minus noceant, attingamus. *Alexander Aphrodisaus l. 1. probl. 7. & Mercurialis l. 1. Pract. c. 1.* eo videntur inclinare, ut dicant, nocuum entum non inferri corpori sine alteratione, quæ semper cum eo, quod alteratur, pugnat. Quando autem illud, quod corrumpere & dolorem inferre potest, prævidetur, autumant animum præviis cogitationibus humores ad partium corporis constitutionem reddere aliquo modo similes rei alteranti indeq; leviores alterationes existere, minoresq; dolores in subiecto patiente excitari credant. Cui experientia dicam non scribit, quando in nocturnis subitisq; tumultibus vulnera nobis inflicta minus dolere comperimus. Major enim omnino est impressio & vehementio alterationis corruptientis alteratim licet sensus istius impressionis non tam vehemens sit, quam læsio nobis de ea cogitantibus evenit.

Animus enim aliis rebus intentus. & affectuum gravitate obrutus non percipit id, quod inopinatò accidit.

41. Quamvis autem hæc omnia non inviti concedamus, tamen h. l. verbum *ἄπορρον* explicandum nihil est, quod nos cogat. In cap. enim oct: sine huius 3. l. de illis ex professo ager, ut malinus. *τὴν ἄπορρον ὄντα* magis propinqua seu instantia quam repentina addere. Quam nostram expositionem ex ipso Aristotele l. 3. Eudem. c. 1. & l. 1. Magnor. Moral. hæsimus. In illo enim, quod hic *ἄπορρον*, ibi *ἀλλήλων φαινόμενα* vocat *καὶ ἑκαστὸν* in Magnis verò Moralibus ut pericula, in quibus fortitudo cernatur, non debere esse cuiusvis temporis, sed propinqua. Nam, inquit, si quis decimo post anno futurum non metuerit periculum, quoniam pacto fortis? Sunt enim, quod longè absint, fiducia pleni, qui si fuerint proximi, moriantur metu.

42. Quibus absolutis facile est, definitionem Fortitudinis colligere, quod sit Virtus moralis circa metum atq; fiducia occupata, quæ in adeundis, perferendis laboribus atq; periculis, ipsaq; morte mediocritatem observat, honestatis & publicæ utilitatis gratia.

43. Actus igitur Fortitudinis in genere sunt, timorem & fiduciam ad mediocritatem redigere. In spe autem duplex, sustinere nimirum & aggredi, *aggrediehdu*. Cautè. Hic enim locum habent: Neq; temerè, neq; timidè. Non enim temeratio aut quæcunq; pericula subeunda sunt, ne, qui periculum amat, in eo peccet. Nam consilia audacia, inquit Livius, prima specie læta tra-
ctu dura, eventu tristia esse solent. Fortis ergò *φρονιμὸς* sit & consiliorum genera *ἀβελία* id teste Sophocle *καλῶς τὴν κτημάτων*. Ubi interdum si fugere & cunctari à re sua viderit, non detrectabit. Fortis quidem *ἀνδραγαθὸς* est, sed *ὡς ἀνδραγαθὸς* teste Philosopho, qui quomodo oportet, & ut ratio præscribit honestis gratia metuit. Sapiens enim Fortitudo, inquit Scalig. l. 3. de Poet. c. 9. victoriam non in morte, sed in facto ponit.

44. *Persistendum animosè est.* Præstolabit igitur fortis adventum hostis, vel etiam aggreditur necessitate exigente. Neq;
hoc

hoc ipsum sine ratione, qua & *ἡτορ εἰς ἀντιθέσιν καὶ νόον ἰσθῆναι*
ait Theognis loquitur: *οὐδὲν γὰρ ἀνὴρ ἀνδρῶν*

Pugnandum est, nulli veniunt sine morte triumphi,

Et nisi certanti nulla corona datur.

45. Pugnandum viriliter & in id sedulo incumbendum est, ut
hostis laedatur, quocunque id modo fieri poterit, modo fides,
quam fallere religio est forti, non violetur. An etiam Stratage-
mata & dolus in vincendo hoste approbari debeant dubitatur. J.
Lipſius l. 5. Polit. c. 17. non negat. Ut enim Venator feras quasdam vi
& manu interficit, quasdam occultis subsistens laqueis aut retibus ca-
ptat: ita sive dolo; sive stricto cominus ense hostem qui interficiat, pa-
rum vel nihil refert. Aliiter visum fuit magnanimis quibusdam &
generosis ducibus, quibus nunquam placuerunt ejusmodi *κλεπαῖ*
& *πλέμων*, uti Thucydides vocat vel ex Alexandri Magni respon-
sione constat, quod Arrianus habet, quā dicere consuevit: *αἰχρὲν*
εἶναι κλεψαὶ τὸν νίκην, ἀλλὰ φανερώς καὶ διχα σοφίσματι, &
χρηναὶ νικῆσαι τὸν Ἀλέξανδρον, id est, Turpi Imperatori esse fu-
rari victoriam, sed Marte aperto & sine dolo vincere oportere.
Hinc interrogatus, qua ratione tantas res gessisset tam brevi tempo-
re, respondisse Authore Plutarcho dicitur: *μηδὲν ἀνακαλῶ μὲν*.
(A quo tamen parens abiit Phil: Maced: ἡ δόλω, inquiens, ἢ βίη:
ἢ ἀμ βαδδθ, ἢς τῶ Φηδόν) Penitus Alexandrum Romanus senatus
de quo Tacitus l. 2. extremo Reperio apud scriptores temporum Ad-
gandestrii Principis Phatrarum lectas in Senatu literas, quibus mor-
tem Arminii promittebat, si patrandæ neci venenum mitteretur,
responsum esse, non fraude, nec occultis, sed palam & armatum Po-
pulum Romanum hostem suos ulcisci. Qua gloria æquabat se Tibe-
rius, ait Tacitus Perficis Imperatoribus, qui venenum in Pyrrhum
regem retulerant. Hinc Ennius de Pyrrho:

Nec mi aurum posco, nec mi pretium dederitis

Nec componantes Bellum, sed belligerantes

Ferro, non auro vitam cernamus utriq.

Quam tamen controversiam nostram hoc loco non facimus:
videatur, Hugo Grotius in tractu de jure pacis & belli.

46. Perferendum deniq; est viro forti constanter. Animum itaq; obfirmet ad quævis ingruentia pericula. Fortitudinis enim proprium est, ait Cic: l. 3. Offic. omnia humana despiciere, nihilq; quod homini accidere possit, intolerandum putare. Hinc sine molestia agit, quicquid agit, fortis. Licet enim *σπαρκεῖς* sit lib. 3. Eth. c. 12. lætatur tamen ex animo ob patriæ salutem, quæ vita charior est Ciceroni i. Catilin. & Platoni l. 5. de LL: magis amanda, quam mater, cum sit divinum quoddam. Quemadmodum itaq; pugiles non curant vel vulnera vel plagas modo de victoria certi sunt; ita & virum fortem non hostium ardor, non vulnus instantis Tyranni secundum Horat l. 3. od. 3. mente quatit solida. Licet ergo corpori dolor inferatur, animus tamen gaudet esse & in, norit enim quod Plautus in *Asin.* habet: *Fortiter malum qui patitur, post potitur bonum.* Hinc Plutarchus: *εάν μέλι τητής κέρδιον μέλι τῶν Φέρον.* Apum stimulus feras necesse est mel si petas.

47. Opponitur Fortitudini duplex excessus & duplex defectus. Cum enim objectum virtutis & *ἡράδεια* & *Φοβερὰ* sint, uti supra evictum, & in utroq; genere & actus positivus & omissivus secundum ea, quæ supra Disp. 5. §. 9. diximus, occurrat inde & excessus & defectus & ratione *Φοβερῶν* & ratione *ἡράδειων* conspiciatur necesse est.

48. Defectus in metu à *Φέβῳ* aut *ἀναλγησία* potest dici. Latine non male redditur *metus vacillatio*, quando quis non metuit, quæ tamen metuenda erant, in quorum classe Celsas fuisse vulgò (aliter enim Posidonium & Strabonem l. 7. descriptioni Germaniæ hac de re loqui suo more, id est eruditè, demonstravit Horneius in notis ad l. 3. Ethic.) creditur, qui ut ex lib. 2. ibidem. constat cum Illustribus congregiebantur *οἱ κελτῶν πρὸς τὸ κέρματι*, inquit, *ὅπλα ἀπαυθῶσι λαβόντες.* Inde Camerarius in Comm. l. 3. Eth. c. 6. refert ex cuiusdam Nicolai libro, cui ille titulum fecit *συναραγή ἰθῶν*, *ὅτι κελτῶν τῶ ἀνκεανῶ γεντιῶντες, αἰχρὸν ἡγνῆται πύχον καὶ ἀπίπτοντα ἢ οἰκίαν Φέρον πλεμμευεῖν δὲ ἐκτὴς θαλάσσης ἐπιρχομένης, μεθ' ὧν ἀπαυθῶντες ἐπορεύσιν, ἕως καὶ ἀκλύ-* (ον).

Ἰον). ἵνα μὴ δοκῶσι, φέροντες τὸν θάνατον φοβησθαι. Ideo etiam Aliano iuste l. 12. Vol. H. per. Alexandro Magno hoc responsum reliquerunt. se unice timere, ne cœlum rueret.

49. Alias de Caninis refert Herodotus l. 1. eos annatos ac rem hastis pulsasse dicentes, se eunere Deos peregrinos. Et lib. 4. de Phyllis, qui arma contra ausurum ventum capiebant. quod injuriâ se ab eo affectos dicerent. Quorum tamen insaniam nemo non rideret. Non enim est vera fortitudo, inquit Agellius l. 12. c. 5. quæ contra naturam monstri vincit nititur, utraq. modum ejus egreditur, aut stupore animi aut imaginatione. Furiosus itaq. & insanus Cleomes Spartiata apud Herodotum. Is enim nactus ferrum, caput furas primum lacerare, & longis vulneribus carnem scindere: & inde pergens ad femora & coxas & lumbos, tandem pervenit ad alvum, qua dissecta & intestinis concisis, ita tandem mortem oppetit.

50. Excessus verò in metu δειλία Timiditas sive ignavia dicitur quando quis metuit, quæ metuenda non sunt, aut nimis metuit, quæ metuenda erant mediocriter. Hinc ejusmodi homines vel detrectant omne periculorum genus, vel si quæ subeunt, non ferunt satis constanter, sed fugiunt ac deserunt stationem. Famosissimum Timiditatis exemplum post se reliquit Aratus Sicionius Dux achætorum qui quoties aciem instruxisset & tesseram dedisset, rectè ad aciem recedere solitus est. & centuriones percunctari, ecquid suâ præsentia opus foret? Jactam enim jam esse alcam. Atq. ita sigredientes, quam longissimè eventum pugnae expectabat. Unde & illa in Persia Ego nunc quod non futurum est, formido tamen.

51. Eodem nomine appellatur defectus in fiducia, quando quis animum despondet neq. in periculis neq. advenis vel perfectis præsentis est animo Fortis enim dum ipse rat, sperat. Nam uti Cicero habet in Rhet. Fortitudo est immobilis inter adversa animi claudatio, res arduas pulchrè administrans, quæ nec adversis infestando frangitur, nec prosperis blandendo elevatur.


52. Huc pertinent αὐτοχρησις uti nemini non ex c. 7. § 100. constare potest, ubi obprimâ ratione ibidem allatâ quam etiam habet Josephus l. 3. Exilii Hieros. c. 21. Plutarch in vitâ Cleonis & Augusti.

gust. l. 1. de Civ. D. c. 21. ad molles & fractos referuntur. Viri enim fortis est, gravia in commoda, dolores aut calamitates perferre. Hinc *Silius Italicus*:

Explorant adversa viros perq; aspera duro
Niritur ad laudem virtus interrita clivo.

53. *Excessus* in Fortitudine vocatur *ὑπερβόλη* five audacia, quando quis se in periculum conjicit, ut videatur. Confidentiam scilicet audaces in ventre habent, ut *Comicus* loquitur, & Martem in lingua ventosa & fugacibus pedibus, ut jactent cum illo *Plautine* in *Captivū*: Meus est balista, pugnus; cubitus catapulta est mihi, Humerus aries: tum genu ut quemque icero, ad terram dabo, dentilegos omnes faciam mortales.

Ad



Ad
Humanissimum ac Doctissimum
Dn. RESPONDENTEM.


LUCAS BACMEISTERUS.

per ἀνύραμμα
MACTE, SIS SULCA, UBER.

MACTE bonis animi, Juvenum flos optime, Luca
SIS SULCA, fructu sic erit UBER ager.

l'a dépi operabat.

M. Johann. Reimboth.



LUCAS BACMEISTER.

Anagramma

MASCULE CERTABIS.

Bacmeisterere, decus Patriæ, spes magna tuorum,
Phœbi satellites inclyte!

Marcida qui fugiens ignobilis otia vulgi,
In arma Palladis ruis.

Non tibi magnanimos gelidus timor occupat artq,
Vel impotens ignavia.

Sed

*Sed magis erectum prudens audacia pectus
Ad altiora provehit.
Hinc benè te video fortes intrare palastras,
Bellumq; litterarium.
In quo (si me non fallunt hæc omina) linguae
Certabis hastâ masculè.*

*Joannes Mautnerus
Pannonius.*




*V*Ere novo, agricolæ spargunt ubi semen in arvom,
Opratos fructus tempore messis habent:
Sic varium exerceas dum BACMEISTERE laborem,
Ingenium subigis fertilis instar agri.
Ergò metes fructus magno cum fœnore tandem,
Scilicet exiguo tempore CLARUS eris.

Joh Keymers. L.



tionē
viiā
rati-
s mi-
a &
passio
est,
lecto
ter-
lasti.
eorū
sine
atq;
gnis
tuis
passio
dul-
r, ac
llu-
ccel-
ostri
sin-
au-
or-
eorū
atū,
stū,
uo-



Biblioteka Jagiellońska



stdr0025083



29.